



## ***Kattusseqatigiit Partiiat***

Tlf. 299 34 61 11 / 34 62 52 - fax 299 32 62 35  
Postboks 74, 3952 Ilulissat - tlf./ fax 299 94 47 53

**Anthon Frederiksen**

**Ulloq 04. april 2007**

Inatsisartut Suleriaasianni § 36, imm. 1 innersuussutigalugu Naalakkersuisunut allakkatigut akisas-sanngorlugu apeqqut imaattoq matumuuna saqqummiuppara:  
(inatsisartunut ilaasorta, Anthon Frederiksen, Kattusseqatigiit Partiiat).

### **Naalakkersuisunut apeqqut:**

**Innarluutillit sammisassaqtinniarlugit illoqarfiit ilaanni illunik immikkoortunik ornitaga-qalersinnaannerat naalakkersuisut pilersaarutigaa?**

### **Tunngavilersuut:**

Illoqarfiit ilaanni innarluutillit sammisassaqtinniarlugit kommune-t inissiarsuit ilaannik attartorlu-tik innarluutillit ornittagaqartittarpaat.

Kommune-t ilaasa taamatut iliuuseqarnerat ajunngikkaluartoq, taamaattoq inissiarsuit initaasa, taamatut atorneqartarnerat siunertamut naleqqutinngilaq. Tassa init taamatut atorneqartut ilaqtariinnut inissiatut naatsorsuussaammata aammalu ilaqtariinnut inissiaqarfinnut ilaallutik.

Taamaammat innarluutillit taamatut periarfissaqartitaasut, toqqissisimanartumik immaqalu nipiliu-laarfigisinnaasaminnik ornitassaqtinneqarneq ajorput, tassami sanilinit innimisunneq, mianersor-tariaqarneq il.il. misigisaasarmata.

Kommune-t taamatut periarfissaqartitsisut soorunami akissaqassuseq naapertorlugu – taamaallaat amerlanertigut taamatuinnaq periarfissaqartitsisarpur, tassa illumik innarluutillit ornitagassaannut immikkut aningaasaliissutissaqannginneq pissutigalugu allanik periarfissaqartitsineq ajornata.

Taamaamat Naalakkersuisut innarluutilinnut sammisassaqtitsinermut illunik sananissamut pilersaaruteqarnerisut apeqquteqaateqarfigaakka.

Neriuppunga apeqqut ullut qulit qaangiutsinnagit akineqarsinnaajumaartoq.